

100 loðnur valdar af handahófi. Reynist fleiri en 50 loðnur vera undir 12 sm að lengd ber honum að sleppa loðnunni þegar í stað.

10. gr.

Nú kemur loðnuveiðiskip með loðnufarm blandaðan smáloðnu til hafnar og er þá kaupanda aflans skylt að ganga úr skugga um, hvert sé hlutfall smáloðnu í aflanum, á þann hátt að tekin skulu þrjú sýnishorn valin af handahófi með 100 loðnum í hverju. Sé hlutur smáloðnu, sbr. 8. gr., að meðaltali úr þessum þremur sýnishornum meiri en 55%, skal kaupandi aflans gera veiðieftirliti Fiskistofu aðvart.

11. gr.

Með mál, sem rísa út af brotum á reglugerð þessari, skal farið að hætti opinberra mála og varða brot á viðurlögum samkvæmt ákvæðum laga nr. 38, 15. maí 1990, um stjórn fiskveiða.

12. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða, laga nr. 81, 31. maí 1976, um veiðar í fiskveiðilandhelgi Íslands og laga nr. 34, 17. maí 1976, um veiðar íslenskra skipa utan fiskveiðilandhelgi Íslands, til þess að öðlast þegar gildi og birtist til eftirbreytni öllum þeim, sem hlut eiga að máli.

Ákvæði til bráðabirgða.

Á loðnuvertíðinni 1993/1994, sbr. 1. gr., er íslenskum veiðiskipum heimilt að veiða 702 þúsund lestir af loðnu.

Sjávarútvegsráðuneytið, 14. júní 1993.

F. h. r.

Árni Kolbeinsson.

Jón B. Jónasson.

REGLUGERÐ**um greiðslu atvinnuleysisbóta.**

I. KAFLI

Biðtími eftir atvinnuleysisbótum.

1. gr.

Atvinnuleysisbætur greiðast þeim sem verið hefur atvinnulaus í þrjá daga samfellt.

Atvinnuleysisbætur greiðast frá og með 1. skráningardegi enda hafi tekjur hlutaðeigandi síðustu sex mánuði fyrir skráningu eigi verið hærrí að meðaltali en sem nemur kr. 92.776 á mánuði (tvöföldum atvinnuleysisbótum).

2. gr.

Nú voru heildartekjur hlutaðeigandi fyrir skatt síðustu sex mánuði fyrir skráningu hærrí að meðaltali en sem nemur kr. 92.776 á mánuði og frestast þá réttur til atvinnuleysisbóta í samræmi við eftirfarandi töflu:

Meðalmánaðartekjur síðustu sex mánuði	Biðtími í virkum dögum	Meðalmánaðartekjur síðustu sex mánuði	Biðtími í virkum dögum
Lægri en 92.776	0	141.882 – 152.654	8
92.776 – 99.675	1	152.655 – 165.197	9
99.676 – 104.875	2	165.198 – 179.987	10
104.876 – 110.646	3	179.988 – 197.684	11
110.647 – 117.091	4	197.685 – 219.242	12
117.092 – 124.332	5	219.243 – 246.077	13
124.333 – 132.528	6	246.078 – 280.398	14
132.529 – 141.881	7	280.399 – 325.843	15

Nú eru meðalmánaðartekjur síðustu sex mánuði áður en til atvinnuleysis kom hærri en kr. 325.843 og skal úthlutunarnefnd þá leita úrskurðar stjórnar Atvinnuleysisstryggingasjóðs um lengd biðtíma.

II. KAFLI

Skerðing biðtíma milli atvinnuleysistímabila.

3. gr.

Atvinnuleysisbætur greiðast fyrir alla daga nema laugardaga og sunnudaga á hverju bótatímabili sem skal vera 260 virkir dagar.

4. gr.

Að loknu hverju bótatímabili fellur hinn atvinnulausi af bótum í 16 vikur, þ.e. 80 virka daga, nema hann hafi sótt og lokið endurmenntunar- og starfsþjálfunarnámskeiðum eða tekið þátt í átaksverkefnum sveitarfélaga, sbr. reglur nr. 31/1993, í samtals a.m.k. 8 vikur á bótatímabilinu eða 40 virka daga. Önnur vinna á bótatímabili en í átaksverkefnum skerðir ekki 16 vikna biðtímann.

Ljúki hinn atvinnulausi ekki námskeiði, t.d. af þeirri ástæðu að hann fór í vinnu, er stjórn Atvinnuleysisstryggingasjóðs heimilt að meta til skerðingar biðtíma þann hluta námskeiðs sem sannanlega var lokið.

5. gr.

Með endurmenntunar- og starfsþjálfunarnámskeiði er átt við námskeið þar sem kennt er námsefni sem nýst getur hinum atvinnulausa við atvinnuleit. Til námskeiða í þessu sambandi teljast ekki tómstundanámskeið. Ekki skiptir máli á hvers vegum námskeið er haldið ef námsefni uppfyllir framangreind skilyrði, en þau skulu að jafnaði haldin á dagvinnutíma.

Stjórn Atvinnuleysisstryggingasjóðs skal útbúa skrá yfir þau námskeið sem skert geta biðtíma milli atvinnuleysistímabila og senda úthlutunarnefndum.

Nú hefur hinn atvinnulausi sótt námskeið sem ekki er á skrá stjórnar Atvinnuleysisstryggingasjóðs og er þá heimilt að óska ákvörðunar stjórnar sjóðsins um hvort námskeiðið skuli skerða biðtíma.

6. gr.

Við mat á lengd námskeiða skal miða við að hverjar fjórar kennslustundir að viðbættu heimanámi teljist einn virkur dagur.

7. gr.

Þátttaka í endurmenntunar- og starfsþjálfunarnámskeiðum skerðir biðtíma þannig að hver virkur dagur skv. 6. gr. skerðir biðtíma um tvo virka daga.

Þátttöku í námskeiðum skal sanna með vottorði þess sem staðið hefur fyrir námskeiðinu. Námskeið má ekki telja með til skerðingar á biðtíma nema vottorð beri með sér að hlutaðeigandi hafi sótt og lokið námskeiðinu, sbr. þó lokamálsgr. 4. gr.

8. gr.

Úthlutunarnefndum og vinnumiðlunum sveitarfélaga ber að kynna atvinnulausum möguleika á skerðingu 16 vikna biðtíma með þátttöku í endurmenntunar- og starfsþjálfunar-námskeiðum svo og átaksverkefnum.

9. gr.

Þátttaka í átaksverkefnum skerðir biðtíma þannig að hver átta stunda vinnudagur telst einn virkur dagur og skerðir biðtíma um tvo virka daga.

Þátttöku í átaksverkefnum skal sanna með vottorði atvinnurekanda.

10. gr.

Stjórn Atvinnuleysistryggingasjóðs getur í samvinnu við líknarfélög eða aðra sambærilega aðila hrundið af stað samvinnuverkefnum þar sem hinum atvinnulausu gefst kostur á að sinna verkefnum fyrir samvinnuaðilann án frekara endurgjalds en atvinnuleysisbótanna.

Þátttaka í þessum samvinnuverkefnum skerðir biðtíma með sama hætti og þátttaka í átaksverkefnum, sbr. 9. gr.

11. gr.

Nú hefur atvinnulaus sannanlega ekki átt kost á þátttöku í námskeiði og skal biðtími þá engu að síður falla niður.

Úthlutunarnefnd skal tilkynna stjórn Atvinnuleysistryggingasjóðs í hvert sinn sem biðtími fellur niður af ástæðum sem tilgreindar eru í 1. málsgr.

12. gr.

Nú fellur biðtími niður vegna atvika skv. 11. gr. og skal stjórn Atvinnuleysistryggingasjóðs þá leita skýringa úthlutunarnefndar.

III. KAFLI

Ákvæði til bráðabirgða.

13. gr.

Atvinnulausir sem eru á 16 vikna biðtíma milli bótatímabíla við gildistöku reglugerðar þessarar geta stytt þann biðtíma sem eftir er hafi þeir tekið þátt í námskeiðum sem uppfylla skilyrði 5. gr. eða tekið þátt í átaksverkefnum, sbr. 4. gr., á tímabilinu 1. júlí 1992 - 30. júní 1993. Við útreikning á styttingu biðtíma skal fylgja ákvæðum reglugerðar þessarar. Þó getur biðtími aldrei styst lengur en frá og með 1. júlí 1993.

14. gr.

Atvinnulausir sem hefja 16 vikna biðtíma skömmu eftir gildistöku reglugerðar þessarar geta stytt þann biðtíma hafi þeir tekið þátt í námskeiðum, sem uppfylla skilyrði 5. gr. eða tekið þátt í átaksverkefnum, sbr. 4. gr., á tímabilinu 1. júlí 1992 og fram að þeim tíma að biðtími skal hefjast.

Við útreikning á styttingu biðtíma skal fylgja ákvæðum reglugerðar þessarar. Uppfylli hlutaðeigandi skilyrði reglugerðarinnar um þátttöku í námskeiði og/eða átaksverkefni í a.m.k. átta vikur, fellur biðtíminn niður.

15. gr.

Atvinnulausir sem lokið hafa 16 vikna biðtíma við gildistöku reglugerðarinnar eiga ekki rétt á styttingu þess biðtíma þó svo að hlutaðeigandi hefðu átt rétt á slíkri styttingu samkvæmt ákvæðum 13. eða 14. gr.

IV. KAFLI

Gildistaka.

16. gr.

Reglugerð þessi er sett með stoð í 22. gr. laga nr. 96/1990 um atvinnuleysistryggingar eins og henni var breytt með 10. gr. laga nr. 54/1993 og öðlast gildi 1. júlí 1993.

Heilbrigðis- og tryggingamálaráðuneytið, 28. júní 1993.

Guðmundur Árni Stefánsson.

Páll Sigurðsson.

REGLUGERÐ

um endurgreiðslu tryggingagjalds.

1. gr.

Tryggingagjald sem lagt er á aðila, sem stunda útflutning, vegna launa á tímabilinu 1. júní 1993 til og með 31. desember 1993 samkvæmt lögum nr. 113/1990, um tryggingagjald, skal endurgreitt eins og nánar er kveðið á um í reglugerð þessari.

2. gr.

Rétt til endurgreiðslu skv. 1. gr. eiga:

1. Aðilar sem stunda fiskveiðar, fiskeldi eða fiskvinnslu.
2. Aðilar sem leggja stund á atvinnugreinar skv. 2. eða 3. flokki í atvinnuvegaflokkun Hagstofu Íslands.

3. gr.

Endurgreiða skal aðilum skv. 1. tölul. 2. gr. allt greitt tryggingagjald vegna launa á tímabilinu 1. júní 1993 til og með 31. desember 1993.

Endurgreiða skal aðilum skv. 2. tölul. 2. gr. þann hluta greidds tryggingagjalds vegna sama tímabils sem tengist þeim hluta framleiðslu á framangreindu tímabili sem fluttur er úr landi eða ætlaður er til útflutnings.

Reki aðili fjölþættan atvinnurekstur eða starfsemi sem ýmist fellur undir atvinnugreinar skv. 2. gr. eða aðrar atvinnugreinar skal hann aðgreina launagreiðslur í bókhaldi sínu þannig að séð verði hvað af þeim tilheyrir hvorum þætti. Greiðslum fyrir yfirstjórn og öðrum slíkum greiðslum, sem ekki eru beint tengdar ákveðnum þáttum starfseminnar, skal skipt upp í sömu hlutföllum og eru á milli heildargreiðslu á hvorum þætti áður en umræddar yfirstjórnargreiðslur eru meðtaldar og reikna tryggingagjald af þeim í samræmi við það. Ef slík aðgreining er ekki fyrir hendi í bókhaldi eða ef hún er í verulegum atriðum röng eða ófullnægjandi að mati skattstjóra skal hann áætla skiptinguna.